

Mike Eman:

Ministerio Publico mester tene wowonan habri pa e "Background-dealnan" cu ta tumando lugar na Aruba



ORANJESTAD (AAN): Durante e rueda di prensa semanal di partido AVP, mr. Mike Eman a duna di conoce cu dia 10 di Juli 2007, siman pasa, Parlamentarionan di AVP a entrega cerca Ministerio Publico e documentonan cu nan a haya relaciona cu bingo hallnan y tur otro papelnan cu nan ta considera cu tin di haber cu henter e asunto di Downtown NV como di otro desaroyonan cu nan ta mira cu hopi preocupacion.

A expresa cu den nan carta, nan ta informa Ministerio Publico cu nan ta considera e dunamento di permiso di bingo hall cu esaki ta en pugna di e landsverordening hazard spelen y lotterij verordening.

AVP no ta mira e violacion di e ley aki los di otro desaroyonan. Pa nan locual nan a descubri ta un "background-deal" cu tabata wordo tuma, haci ariba lomba y custia di e patrimo-

nio di e pueblo aki.

Segun Mike Eman, algun hende grandi a bay sinta na mesa hunto cu cierto gobernantenan y a yega na acuerdonan ariba reparticion di patrimonionan nacional di e pueblo aki. A agrega cu ora cu nan a denuncia tur cos relaciona cu e "bingo hallnan", cu e carta di Downtown Development Corporation NV caminda esun cu ta desaroya e proyecto, Sr. Raul C. Henriquez, ningun caminda e ta menciona cu den Downtown Development Corporation NV tur e propietarioan di negoshinan den Caya Grandi lo tabata envolvi.

E parlamentario a splica cu locual nan a descubri ta un atentado cu kier a wordo haci pa un grupo chikito bay bira doño di e patrimonio nacional cu ta e caya grandi di pais Aruba.

Kico Downtown

Development Corporation NV tabata kier?, a bisa. Nan tabata kier di bira propietario di tur locual na Hulandes ta ser yama "openbare ruimte" cu ta e caya, e trottoir, etc, pa nan bira doño di e propiedadnan aki y mañan nan por dicidi di pone hipoteca riba dje of kiosco riba dje pa bende paña.

Esaki ta loke AVP ta denuncia, a subraya y ningun momento e proyecto. "Ningun momento nos a bay contra ningun proyecto. Ki mishi, AVP ta e partido di proyecto na Aruba".

Mike Eman a reacciona bisando cu tin un partido cu a carga e pais aki for di e calamidad cu Sr. Oduber a lague no un biaha, un cantidad di bez, ta partido AVP. "Ki mishi nos por ta contra di un desaroyo di Caya Grandi cu e gobierno aki a masacra cu e chollerhouse y tambe cu e desaroyo di par-

timento di patrimonio di pueblo tambe dilanti di hotelnan.

A reitera cu locual nan ta denuncia den e carta na Ministerio Publico ta pa tene wowonan habri pa background-dealnan cu ta tumando lugar caminda cu propiedad di pais Aruba ta wordo ofreci sin cu ta tene interes cu e interes di Aruba.

Banda di esaki, a señala cu nan ta mirando cu loke e gobierno aki ta haci ta cu interes di Aruba no ta conta

mas. Tur loke nan ta haci ta pa nan interes y no pa interes di nos pueblo, a bisa.

"Na momento cu bo ta dispuesto pa entrega e patrimonionan aki, bo ta dispuesto pa duna e ultimo pida naturaleza di e pais Aruba, bo kier duna hende nos Caya Grandi, anto e ora ey, nos no ta mirando e interes di e pais, pero nos ta mirando interesnan di otro hendenan cu ta interes di e pueblo aki", a expresa.

Compania pa tuma lugar di operacion di fueling na Aeropuerto critica caba

ORANJESTAD(AAN)— A cuminsa drenta informenan ayera acompaña pa relatonan cu a sali na Merca na Maart aña pasa, cu e compania cu lo ta esun cu lo por tuma e operacion di fuel avionnan na aeropuerto, ta un compania

domina pa discriminacion racial. A ser muestra hasta riba reportahenan cu CNN a haci riba e compania aki, y na Aruba ya e comentarionan contra e compania aki a cuminsa circula. E dianan aki lo por drenta mas informe riba esaki.

OP EIGEN SCHIP HANGEN!!



BEST DEAL

Tel: 5827100

(Pariba di Aruba Bank, Paradera)



Hair gel 3 pa

Afl. 10,=

Prijs mas abou no tin.

BEST DEAL

Paradera.